

Alte Ma mit Bart

Alte Ma mit Bart

Text und Musik
Jacob Stickelberger

Mys Lieb-lings-buech isch mir als Chind e Chin-der-bib-le gsy die het e hu-fe
6 Bil-der gha wo my-ni Phan-ta-sy hei a-gregt und ganz bsun-ders hei mi
11 Bil-der packt vor Art wo me dr Lieb Gott het druf gseh als al-te Ma mit Bart

1. Mys Lieblingsbuech isch mir als Bueb
e Chinderbible gsy
die het e hufe Bilder gha
wo myni Phantasy
hei agregt und ganz bsunders hei mi
Bilder packt vor Art
wo me dr Lieb Gott het druf gseh
als alte Ma mit Bart

2. Da wär das Bild vom Kain wo
dr Abel tuet erschlah
en Illustration wo dummerwys
e Riss het gha
grad uf däm Riss isch dr Lieb Gott
wo uf e Kain starrt
und donneret: dä Mord wird gstrafft
vom alte Ma mit Bart

3. Oder das Bild vom grosse Turm
wo höher worde wär
als z'Müschter z'Bäm, das wär mer no
doch das verhindert är
indäm er obe linggs vom Bild
zur Aerde abefahrt
und alls so richtig zämeschlah
dä alt Ma mit em Bart

4. De bsinn i mi, uf eim Bild isch
dr Lieb Gott schampar muff
und zwar nid wäg däm Ankefläcke
wos het mitte druf
ihn ergre d'Mönsche - und wär lahts
drum rägne uf en Art
dass usser eim grad alls versuft? -
dä alt Ma mit em Bart

5. De no das Bild vom Hiob wo me
Hab und Guet het gno
dä het am Lieb Gott gfolget
het drum alls zrügübercho
d'Frou Lot hingäge folget nid
isch drum zu Salz erstarrt
so git er jedem was em ghört
dä alt Ma mit em Bart

6. Dir gseht so klar und dütlech isch
di Chinderbible gsy
doch d'Zyte vo däm schöne Buech
sy leider lengscht verby
dasch würklech schad denn ds Läbe wä
so eifach uf en Art
wär dr Lieb Gott wie dä im Buech
en alte Ma mit Bart